

Ein Brüche mit Wein darvon gesotten/ vnd gerrun-  
cken/ erwärmet den kalten Magen/ vnd innerliche Glied-  
er/ vnd verzehret alle schädliche/ kalte/ Phlegmatische  
Schleim/ ist auch nutz den alten erkalteten Mannen.

Dergleichen thut er auch / so man zu den Herbstzei-  
ten Most über Scharlach verjären lassen:

Scharlach Wasser.

Alles obgeschribener massen/ thut auch das gebrandt-  
Wasser eingenommen.

### Eisenkraut:



Eisenkraut/

Taubentropff.

**E**isenkraut ist  
zweyer Hand  
Sie beyde haben  
weißfarbe blets-  
ter / gleich dem Co-  
riander / seind beyde  
truckner Natur.

Die Wurzel gerrun-  
cken / ist gut für die  
Gelsucht / für schwer  
Athemen oder Keis-  
chen / vnd der Saft  
von dem Kraut mit  
Wein getruncken /  
nimpt das Gift im  
Leib:

Eisenkraut vnd  
Wurzel gesotten mit  
Wasser oder in Wein  
getruncken / reiniget  
den Frauen ihr Mut-  
ter/ vnd bringet ihnen  
ihre

## Von allerhand Arzney/

ihr rechte zeit vertreibet auch den Stein.

Mit solchem Wein/ den Mund oft geschwencket/ ist gut für das essen/ vnd faul Zanfleisch/ ist gut zur Lebern/ zum geschwollenen Miltz/ auch zur stechen Lungen.

Dieser Wurtzel drey/ mit dreyen Blättlin in Wasser gesotten/ vnd getruncken vor dem Kaltenwehe/ vertreibt das dritztägige Sieber/ vnd dieser Wurtzeln vier mit vier Blättlin/ vertreibt das viertägig Sieber.

### Eisenkraut Wasser.

Das Männlin mit aller Substanz gehackt vnd gebrandt vmb S. Johans tag.

Eisenkraut Wasser getruncken / Morgens vnd Abends/ jedes mal drey Loth/ sechs oder acht Tags/ vertreibt die Gelbsucht/ Gifft/ dreytägig vnd viertägig Sieber.

Ist gut zu der engen Brust/ schwer Arhemen/ für Geschwâr vnd Schwindsucht der Lungen / stärcker die Leber/ bringet dem Menschen ein gute Farb/ für Schmerzen des Magens/ für Verstopffung der Leber vnd Miltz/ Lenden/ Blasenwehe/ Grien. Zertheilet den Stein in der Blasen/ für Verstopffung des Lyngeweyds/ Magens vnd Bauchs/ für Blattern im Leib/ Grimmen vnd Blutharnen/ Auch nûchtern getruncken alle Morgen / vertreibt die Würm im Leib.

Diß Wasser ist das best für Hauptwehe vnd schâß des Haupts/ oft damit bestrichen / vnd mit Tûchlein übergelegt / ist gut für langwirige Kranckheit / die man nicht weiß wavon sie ist. Für Feywarzen/ für das Effen vnd löcher an der Frauen Gemâcht/ gewaschen/ vnd Tûchlein naß darüber gelegt. Vnd alle Schâden der Augen nimpt es hin/ alle Tag ein mahl oder zwey in die Augen gethan.

Rosen